

IX – CONCURSO DE CAMELIA

“Cidade de Narón”

Por NOVENO ano consecutivo, imos celebrar o concurso de camelia “Cidade de Narón”. Para facilitar a difícil labor do xurado, o número máximo de lotes a presentar a concurso, será de **déz** por expositor-concursante.

No premio “**Mellor Composición Artística Colectiva**”, poderán participar todas as agrupacións que representen a un colectivo (AA VV, entidades culturais, etc...) e que cada ano nos acompañan no certame. Nesta modalidade, valorarase a orixinalidade, armonía e efecto do conxunto florístico, podendo incluír nel outro tipo de plantas e flores, pero sempre coa flor de camelia como motivo principal.

BASES:

1.- Convócanse sete premios, nas seguintes modalidades:

- Mellor Camellia japónica.
- Mellor Camellia reticulata.
- Mellor especie de Camellia.
- Mellor híbrido de Camellia.
- Mellor flor miniatura.
- Mellor cultivador-expositor.
- Mellor Composición Artística Colectiva

2.- Deberanse colocar como mínimo tres flores por lote, coa súa folla verdadeira. Non existe un número máximo de flores, pero si de lotes (10 por expositor).

3.- Terase en conta a homoxeneidade, tamaño, cor, estado de apertura, e colocación. Aínda non sendo obrigatorio, se terá moi en conta a correcta identificación dos lotes: xénero, especie e variedade. (Ex: Camellia japónica “Ville de Nantes”)

4.- Os híbridos irán nomeados como tales, e si é posible nomearanse os seus parentais. (Ex: Híbrido de reticulata “Valentine Day”) Admitiranse calquera híbrido, tanto inter como intraespecífico, incluso híbridos de híbridos e as súas variantes.

5.- Para o premio a mellor Camellia reticulata admitiranse tamén aqueles híbridos que teñen cualidades similares a especie C. reticulata (follas moi reticuladas, flores grandes, pétalos volvoretados, etc...)

6.- No premio ó mellor cultivador-expositor, tratarase de premiar a aquela persoa que, polas flores presentadas, a súa colocación, perfección, grao de homoxenidade do/s lote/s, e esmero persoal destaque sobre dos demais.

7.- Os participantes no concurso non poderán colocar flores nin follas doutras especies que non pertencan ó xénero Camellia, excepto os participantes no concurso a exposición artística colectiva.

8.- Non se colocarán os nomes dos expositores ata que teña pasado o xurado e éste de por rematada a súa tarefa.

9.- Os participantes no concurso deberán solicitar da organización os números para identificar os seus respectivos lotes.

10.- O número máximo de premios que poderá recibir un expositor será de dous, excepto no caso do premio ó mellor cultivador-expositor e exposición artística colectiva; os gañadores deste premio non poderá levar ningún outro.

11.- Calquera dos premios poderá declararse deserto si o xurado non atopa un lote merecedor.

12.- As decisións que tome o xurado serán inapelables.

13.- A participación neste concurso implica a aceptación íntegra das súas bases.

Cidade de Narón
XIII MOSTRA da
CAMELIA
9º CONCURSO



11 y 12.02.2017

DOLCE VITA - Odeón



Saúdo do alcalde de Narón

A Mostra da Camelia Cidade de Narón alcanza este ano a súa décimo terceira edición. Como alcalde deste concello é para min unha satisfacción poder saudaros con motivo deste evento, que reúne no municipio a centos de persoas chegadas de diferentes localidades.

A flor camelia é a protagonista indiscutible deste evento, impulsado pola Asociación Galega da Camelia e no que gustosamente colabora o Concello de Narón. É precisamente esa colaboración a que nos permite ter en Narón un parque dedicado á camelia, situado no río Freixeiro e que conta con máis de catrocentas árbores desta fermosa especie.

Os días 11 e 12 de febreiro o Centro Comercial Dolce Vita Odeón será o lugar de encontro de todas aquelas persoas que queiran gozar desta flor, que se poderá ver na tradicional exposición nunha gran variedade de especies, moitas delas cultivadas por veciñas e veciños de Narón e doutros concellos da comarca. Son precisamente estes meses de inverno nos que locen na súa plenitude estas especies, entre as que desde este concello destacamos a Camelia Cidade de Narón, creada no ano 2002 e que ornamenta coas súas flores desde 2007 un tramo do parque fluvial de Freixeiro.

A Camelia Cidade de Narón ten un significado moi especial para todos os naroneses e naronesas, pero na Mostra da Camelia Cidade de Narón poderemos tamén ver outras especies recoñecidas non só a nivel comarcal, senón tamén noutros puntos da xeografía galega e española.

Para que un ano máis a Mostra da Camelia sexa unha realidade en Narón quero destacar e agradecer o traballo da Sociedade Española da Camelia e da Asociación Galega da Camelia. O seu labor permítenos ano tras ano convocar este evento en Narón. Unha cita, á que animo a asistir a todas aquelas persoas que queiran gozar da calidade dunha flor que loce con todo o seu esplendor nesta época do ano.

José Manuel Blanco Suárez
Alcalde de Narón

XIII - MOSTRA DA CAMELIA

“Cidade de Narón”

PROGRAMA DE ACTIVIDADES

Sábado, día 11 de febreiro

09.00 H- Apertura e montaxe da Mostra

13.00 H- Inicio da calificación dos lotes concursantes. (Os expositores terán que ter rematada a colocación dos seus lotes).

14.30 H- Comida

17.30 H- Inauguración oficial da Mostra e apertura ó público. Acto de entrega de premios.

22.00 H- Peche da Mostra.

Domingo, día 12 de febreiro

10.00 H- Apertura da Mostra

10,30 - Visita ó Xardín de Camelias de Xosé Rivera Arnoso.

18.00 H- Clausura e desmontaxe da Mostra.

XIII-Mostra da Camelia

**9º Concurso de
Flor de Camelia
Cidade de Narón**
en **Dolce Vita** (Odeón)

Solicito a participación na XIII Mostra da Camelia da Cidade de Narón

Razón Social _____ N.I.F. _____

Nome _____ Apelidos _____

D.N.I. _____ Domicilio _____

C.P. _____ Localidade _____ Teléfono _____

Correo electrónico _____

Superficie total necesaria _____ m2

Comensales _____

_____ a _____ de 2017

A solicitude de inscrición deberá ser feita por medio do teléfono: 660 599 700
ou no correo electrónico: asociaciongalegacamelia@gmail.com
antes do día 10 de febreiro de 2017